

33 20

Eq. 25. 

14.







**Eynn Schöner Sendtbrieff**  
**des wolgepornen und Edlen**  
 Herrn Johanssen/Herrn zu Schwarzenberg / An Bischoff  
 zu Bamberg außgangen / Darinn er treffentliche vnd  
 Christenliche vsachen anzeygt/woye vnd warumb  
 ehr seyn Tochter auß dem Closter daselbst  
 (zum Heyligen Grab genant) hin  
 weg geführt/ Vñ wider vnter  
 sein vatterlichen schutz  
 vnd oberhandt  
 zu sich genomen hab.

**Ein vorred darin die Munch**  
**phres zukunfftigen un-**  
 tergangs erinnert/vnd erstlich ges  
 warnet werden.

**Andreas Gliander.**  
**Ruemburg.**

**Anno. M. D. XX iiii.**

*ipse recensui in uny. h. d. - Nastr.*  
*1715 p. 779 ff.*

7

Faint, illegible text in a Gothic script, likely bleed-through from the reverse side of the page.

KÖN. PR. FR.  
UNIVERS.  
ZV HALLE

Faint, illegible text in a Gothic script, likely bleed-through from the reverse side of the page.



692

**Allen und yeden fromē Chri-**  
sten Wünsch Andreas Osiander Prediger bey S. Lorenzē  
zu Nürnberg Gnad Frid vnd Barmhertzigkeyt/von Got  
dem vatter vnd von Jesu Christo vnserm herren.

**A** S ist on zweyfel wenig  
Elich vnuerporigen. Wye das vnter allen feyn den  
des Götlichen worts/so zu dyesen vnsern zeytten auß besōns  
der Gottes gute vnd gnaden/klarlich herfur pricht vnd an  
tag kōmbe/kein hauff/trüglicher vnd hochmütiger wyders  
stand thut/den die Tyrannischē Pettel munch. Welche doch  
billich für allen andern stenden dasselbig treulich leren/Vnd  
wo es not würd/Leib vñ leben darob solten lassen. Darumb  
dz sie nicht allein/durch dasselbig allerheyligst Gottes wort/  
wie alle andere menschen erstlich erschaffen/nachmals von  
sünd vnd tod erledigt.sōnder auch/das selbig emsiglich zū  
erforschen/Inn aller faulheyt vnd Müßigeung/so reychlich  
zu grossen nachteyl der andern armen Christen/bis hieher er  
haltē seyn worden. Welches etlich meiner besōnder liebē herren  
vnd Brüdere in Christo gesehen vñ zu hertzen genommen/mich  
zum dickern mal gefragt habē. Warumb wir das vngötlich  
kloster lebē nicht auch/wie andere mispreuch/durch die krasse  
des Götlichen worts ab zūthun vñ auß zūtilgen vns bemü  
hen. Angesehen das sie durch yhr vnuerschembt falsch predia  
gen souiel eynfeltiger leut verführen/Den hab ich allzeyt geant  
wort/Ich wisse vnd sey des gewiß/das sie ein solchs leben für  
ren/Wann es nur offenbar werde so sey es gewyßlich schon  
in aller welt mit in außs. Aber solche offenbarung kōn vnd  
möge durch mich vnd meynes gleychen nicht wol geschehen  
Dan es sey als zu überschwencklich vnglaublich/vnd wurde  
bey vielen dafür gehalten werden als hetten wyr es auß neyd  
auff sie erdichtet/Darauf dan nicht alleyn vnseren personen/  
sōnd auch dem wort Gottes grosse nachred enstehen möche

A ij      Es sollen

Es sollen aber vñ werden gewißlich, die jenigen so durch gottes wort erleuchtet, vñ vñ in herauß lauffen diesen krieg führen vñ sein ein erid machen. Welches sie zwar selbs wol mercken, darüß sie auch also toben vñ wüten, wo in eyner entlauffte, dz sie doch on zweyfel nicht auß Christenlicher lyeb, sonder auß menschlicher forcht, auff das nicht jr gotloß wesen, der wele, durch die abtrünnigē offenbar werde, fürnemē. Den die Christenlich lieb die straffe, leeret, tröstet, peffert vñ bawet. Sie aber stöckē vñ plöckē, lassen sy in gefengnis erfrieren vñ hungers sterbē. Auff das sich is die andn daran stossen vñ keiner auß tret. Aber wie man sich hilfft, es doch nicht, sönd gottes wort macht jr anschlege, zunichte, vñ wirt sie auch entlich gar zunichte machen. Amen. Auff das aber yr vntergang nicht vñ verfehens hereyn fall, sonder sie mit bedachtem muet guttem wissen, vñ mit offnen vñ sehenden augen zutrittē gehen. Wil ich in kützlich anzeigen, woz wir für ein krieg mit in angefangē haben, vñ wie er ein außgang wert nemen, den er ist im buch der Richter am. xix. vñ. xx. Capitel, auß 8 massen schön in eyner figur abgepilget, hie helet sich s kützlich also.

Eyn Leuitisch man von Ephraim nam eyn keßweyb von Bethlehem, die huret vñ lieff von im zu ihrem vater, er holes sie wider, aber der vatter hielt sie auff bis an sechsten tag, vñ da sie sich auffmachten kamen sie gen Gibeā der kinder Ben Jamin, das nachts aber kamen kinder Belial, puchten an d herberg vñ forderten die gest mit gewalt herauß, schenelich mit in zuhandeln, also das der Leuit sein keßweib hinauß geben must, mit der sie jr vnzucht dye ganzen nach triben, des morgens fand er sie tod vor der thür, vñ furet sie heym, zers teylt sie in 3 wölff stück, vñ schickets den zwölff geschlechtern der kinder Israel, auff das solches übel gestraffe würt. Man forderet die das übel gethon hetten, das man sie tödet, Aber dye von Gibeā wolten nicht dargeben sonder verteydigen, vñ fiel in zu das ganz geschlecht Ben Jamin xxvi. tausend streitbar man, vñ warn zu Gibeā auch vij. hundert streitbar man vñ vnter den allen vij. hundert linck, geschickt mit der  
schlender

674

schleuder/eyn hat zu treffen. Aber der kinder Israel/die wider  
Gibea wolten streyten warn viermal hundert tausent mann  
Got hieß die kinder Israel streiten/vñ Juda solt den krieg an  
sehen. Aber die kinder Ben Jamin fielen auß Gibea vñ schlu  
gen von Israel xxi. tausent man/Got heuß sie wider streiten  
Aber die von Gibea fielen wider herauß vnd schlugen xvij.  
tausent von Israel/Got hieß sie zum dritten mal streiten/vnd  
verhieß in/er woltes in yre hend geben/da machten sie eyn hina  
terhut/vnnd die von Gebia fielen wider herauß/die hinterhut  
aber zundet die Stat an/vñ wurden die von Gibea hinten vñ  
vornen angriffen/vñ al erschlagen/biß an vj. hundert die flos  
hen/vñ enthielten sich iij. manat/in dem fels Rimon ic. Das  
ist je ein erschrocklich geschicht wie wol ichs mit kurzē wort  
ten erzelt hab/aber noch erschrocklicher ist yr bedeutung / dye  
wollen wir auch sehen.

Das ganz geschlecht Lewis  
mit seynem Püesterthum bedent vns Chrustum den herren der  
ein ewiger püester ist got hats im geschworn vñ wirt in nichs  
rewen Psal. cix. vñ Hebre. v. vi. vñ vij. Er ist aber nicht allein  
ein püester/sond auch könig über seyn volck. Psal. 2. Ich hab  
mein könig eingesetzt auff mein heiligē berg zion. Ich wil vñ  
dem gschatz predigen das der herz zu mir gesage hat / du bist  
mein Sün/heut hab ich dich gezeuget ic. vñ regire das volck  
mit dem scepter seynes worts dz da tödet im gesetz/vñ mache  
wider lebendig im Euāgelio/darüb spricht David weiter an  
2. Psal. du solt sy mit dem Eysnen scepter zerschlagen/vñ als  
eines hafners gefeß/solt du sie zerschmeissen/vñ Psal. cix. Der  
herr wirt dye ruten deyner sterck aussenden von zion/hersche  
vnter deinen feinden/vñ Esaias. 2. Von zion wirt ausgehen  
das gesetz/vñ gottes wort von Jerusalem. Es ist auch über  
das alles der recht einig gespons vñ breutgam/der ime selbs/  
die ganzen Chrustenheit/das ist/alle gläubige seelen vermehelt  
hat/wie Johā. 3. gesage ist/wer die Braut hat/der ist der breu  
gam ic. vnd. 2. Corin. 11. Ich hab euch vermehelt eynem man/  
das ich Chusto ein reine iunckfrawen zu brecht/vñ Canti. vi.  
Sechzig sein d. königin/vñ. 80. der kessweiber/aber der jungē  
A iij meydlein

meydelein ist kein zal/ Also ist der herr Christus Priester/ König/  
 vnd Brutigam / Bedeut durch den Leuitischen mann von  
 Ephraim / vnd hat yhm vermehelt die ganzen Christenheyt.  
 Darin sein etlich Königin/ das sein die so im glaubē nun starck  
 seyn worden/ vnd yhre leib vmb des wort Gottes willen zum  
 heyligen opffer/ in allerley leyden dargeben Rom. xij. dye nenn  
 net der heylig Petrus. i. Petri. ij. eyn Königlich priesterthumb.  
 Etlich aber sein keßweyber/ das sein/ die im glauben angefan  
 gen habē/ aber noch mit lyeb vñ vertrauen an den Creaturen  
 hangen/ vñ sich dem eynigen Brutigam Christo/ noch nicht  
 gantzlich ergeben haben. Etlich aber seyn iunge meydelein/ dz  
 ist/ Die Christum noch nit erkandt haben / Sonder fahen erst  
 an zu lernen / von den selben spricht. Can. j. Deyn name ( das  
 ist das Euangelion das man von dir predigt ) ist eyn außge  
 schüttes ole. Darumb lieben dich die meydelein/ Nun hat Chri  
 stus vnser Leuit vnd oberster priester/ nicht alleyn Königin/  
 vnd meydelein/ sonder auch keßweyber im vermehelt/ das sel  
 big keßweyß/ das huret. Hurerey aber in der heyligen schuffe  
 heyst/ wen eyn mensch seyn vertrauen vñ seyn lyeb durch fals  
 sche menschen leer von Gott auff die Creatur oder eygne ges  
 rechtigkeyt abwendet. Wie Ezech. am. xvj. vnd Osee am. j.  
 klärlich angerzeygt wirt. Darumb laufft dises keßweyß heim  
 zu yhren vatter/ das ist / nach dem sie yhren glauben vnd yhr  
 lieb von Christo dem eynichen gemahel abgewendet / vñ also  
 gehurt hat wendet sie beyde ir vertrauen vñ lieb auff irliche  
 ding/ Daher auch yr vrsprung ist/ das yr doch der Brutigam  
 Christus verpotten hat. Psal. xlv. Höre tochter schaw darauf  
 vergiß deynes volcks/ vñ deynes vatters haus/ Doch wiewol  
 sie das nicht helt/ sonder huret vnd hynlaufft/ holet sie doch d  
 Herr/ vnd nimbt sie wider an/ wie Hiere. am. iij. Bezeugt vnd  
 spricht. Es ist eyn sprichwort. Wenn ein man seyn weyß von  
 sich lest/ vnd sie huret mit eynem andern/ wirdt er sie auch wo  
 der annemen? Ist nit das selb weyß befleckt vñ geschmehet?  
 Aber du hast gehurt mit vil bulern/ doch kom widder sprich  
 der Herr/ vnd ich wil dich annemen/ Heb auff deyne augen/  
 vnd sihe.

646

vnd sihe fur dich wo du dich nicht nider habst gelege. Du  
sassest am weg vnd wartest auff sie/ wye eyn rauber der in d  
wüste lauret/ Vnnd hast die erden befleckt mit deyner hurerey  
vnd mit deyner bűberey/ Hast ein hurn stirn gehabt/ vnd dich  
nicht wöllen schemen. Doch heb noch an vnd spricht. Mein  
vatter/ vnd gemahel meyner juncfrawschafft bist du / zürne  
nicht ewigklich/ vnd verharre nicht bis an das end 2c. Also  
fordert er sie/ durch sein wort vnd bleybt mit seynem wort bey  
yr/ in yres vatters haus. Das ist/ lest yr nicht höher ding predi  
gen/ den sie begreyffen kan/ bis sie auff stehet/ vñ von dem yrdi  
schen vatterland wider abtrit. Aber da hat sie sich zulang  
verseumet/ sie solt von iugent auff Gottes wort alleyn gehört  
vnd dem selbigen gehorsam gewesen/ vnd also vom Götliche  
samen fruchtbar worden seyn/ So hat sie gehuret/ vñ lang  
verzogen/ das yhr der tag zu kurtz wirdt/ kan nicht mit yhm  
heym komen/ sonder muß vnterwegen bleyben. Denn wie wol  
sie gelernet hat/ das sie von jres vatters haus/ das ist auß dem  
yrdischen sundigē leben/ hynweg gehen muß/ kan sie doch nit  
erkeñen noch erreichen/ die gerechtigkeit des glaubens an das  
wort Gottes/ welches über die maß eyn treffenlich hohe erkā  
nus ist/ dahyn sie komen sol. Da fellet denn die nacht des vns  
wissens daher/ vñ sie muß zu Gibeā über nacht bleiben. Gi  
beā heist aber zu Teutsch ein hugel oder ein pūhel/ vñ bedeut  
eygentlich/ die gleyssenden menschliche gerechtigkeit/ die niche  
inwendig im glauben/ sonder außwendig in geperden/ vnter  
schyed der namen / kleyder/ speyß/ tranck/ gezeyt/ stett/ schuhem/  
kütten/ blatten vnd gebetts stehet / wie der gantz geystlich ges  
nant hauff/ leeren vnd anrichten. Solche falsch/ gleyssende/  
fleyschliche / vnd yrdische gerechtigkeit / nennet Esaias am.  
.xl. Berg vnd bűhel vnd spricht. Alle thal werden vñ alle berg  
vnd bűhel/ werden ernidigt werdñ. Also nach dem das arm  
kessweyß von yhres vatters haus ist auß gangen/ vñ will  
eyn new leben anfangen/ dringt sie die nacht so die Sonn der  
gerechtigkeit/ das ist das heylig wort Gottes geschwigen/ ver  
porgen vñ vntergangen ist das sie muß zu Gibeā bleyben  
Das ist/

647  
Das ist in solchem falschen geystlichen leben ruhen/ vnd dye  
selickeyt darinn suchen/ Denn wer ist in viel hundert iaren ge-  
weest/ der bessers het mögen lernen/ wenn er schon gern bessers  
gethon het? Nun wer es eyn kleiner schad geweest/ das sie gen  
Gibea komet wer/ wenn sie nur bey yhren Leuiten bleyben / vñ  
die selben nacht geschlaffen het / bisß der tag wider wer auff-  
gangen / Das wir auch in dise letzte zeyt / darinn man eytel  
menschen trewm gelert hat / kommen seyn / het auch nit veyl  
geschadet/ wenn wir nur des spruchs ( wer glaubt vñ getaufft  
wirdt/ der wirdt selig ) vnd der gleichen vns getröstet/ vnd die  
weyl Gottes wort geschwigen war/ wir auch geruhet / vñ  
nichts neues/ aufferhalb/ vnd wider gottes wort angefangen  
hätten/ so lang bisß gottes wort wider offentlich an tag komet  
vnd die Sonn der gerechtigkeit wider auffgangen wer. Vñ  
es wer zwar auch also geschehen/ wenn nicht die bösen/ mut-  
willigen/ ungezognen/ gotlosen/ teuffels kinder von Gibea/ die  
kinder Belial das arm keßweyß / mit gewalt auß dem hauff  
genommen/ vnd zu solcher geystlicher hurerey genötigt hetten/  
Wehr seyn aber dise Belial kinder? Es seyn eben dye/ von den  
Christus sagt/ es werden falsche Christen/ vñ falsche Prophe-  
zen auffstehen/ vnd große zeychen vnd wunder thun/ das ver-  
füret werde ( wo es möglich were ) auch die aufferwelten/ sihe  
ich hab euch vor gesagt/ vnd Paulus Rom. xvi. Ich erman-  
euch lieben Brüder/ das yhr auff sehet/ auff die da zertrennüg  
vnd ergernis anrichten neben der leer die ihr gelernet habt/ vñ  
weycht von den selben denn solche dyenen nicht dem herrn  
Jesu Christo/ sonder yhrem Bauch/ vnd durch süsse vñ prech-  
tige wort verführen sie die vnschuldigen hertzen. Vnd. ij. Petri  
.ij. Es werden vnter euch seyn falsche lerer/ die neben einführen  
verderbliche secten/ vnd verleugnen den herrn/ der sie erkaufft  
hat/ vnd werden über sich selber führen eyn schnel verdammis  
vnd viell werden nachfolgen yrem verderben durch welche  
wirt der weg der warheyt verlestert werden/ vnd durch geytz  
mit erdichten wortten/ werden sie an euch hantiren/ über wels-  
che das vrteyl von lang her nicht seumig ist/ vnd jr verdams-  
mis schleffe

678  
nuß schlefft nicht/ Dise Belial kind/ habē ein grausam puch-  
en vñ poldern/ das ist ein großmechtig geschrey angehebt vñ  
grausame ding/ von irrigen geysten/ erdichten segferwer/ vñ  
mancherley erschrockenliche offenbarungen fürgeben/ der sie  
doch keins ye verstandē noch gesehen haben/ vñ den darzu ge-  
logen/ wie auff ein tag viel tausent menschn̄ gestorben/ vñ nur  
einer oder zween die auch münch gewesen/ selig seind worden/  
vñ wen die selben nicht ein solch streng lebē im Closter gefürt  
hätten werdē sie auch/ als sie sagen/ verdāpt wordn̄/ über das  
alles/ habē sie den auch irrende polder geist/ in den heusern da-  
reich leut gestorben seyn/ angericht/ wie zu seyner zeyt offenbar  
werdē muß/ vñ der gleichē viel/ wen den die leut seer erschrock-  
en sein/ vñ gefragt haben/ wie sie sich halten/ vñ ein recht leben  
füren sollen/ haben sie die selben als bald in das Closter/ vñ in  
die kuttē gewisen/ ganz nichts vom glauben an Christū ge-  
weist oder geleert/ sonder jr kuttē die andern tauff geheysen/  
damit die ersten tauff verstoßen/ Christū sie erkauft hat ver-  
laugnet/ vñ eytel verderbliche secten vñ zertrennung angericht  
das yzt einer S. Francisc⁹/ der ander S. Dominic⁹/ der dritte  
S. Benedict⁹/ der vierd S. Augustin⁹ orden helt/ einer ist eyn  
Bartheuser/ der ander ein Teutscher herr/ der drit ein Carmelit  
vñ wil yeder besser sein den d ander/ vñ mit gelübden vñ mē-  
schen werckē/ die seligkeit erlangen/ vñ so sie andere leut also le-  
ren/ darzu weysen/ reitzen vñ treiben/ thun sie nichts anders/  
den dz sie mit gewalt/ sie von got dem Herrn/ durch geystlich  
hurerey abweychē benötigen vñ dringet/ Also haben die Belial  
kinder durch dise weg/ dz arm leibweiblein heraus genötigt/  
vñ vnter sich gepracht. Sie möcht nun yemant fragen/ Ist  
den ihr man/ gespons vñ Leuit/ Christus der Herr bey ihr im  
haus/ warüb last er jms nemē? Antwort/ das ist gottes heym-  
lich gericht das er sünd mit sünd strafft/ wie Paulus Rom. 1.  
sagt. Darümb das sie Got erkent/ vñ nicht als got geert ha-  
ben/ hat er sie dahin geben in irer hertzē lust/ In unreinickheit/  
zu schenden jr eygne leib/ durch sich selbs/ Den ire weyber ha-  
ben verwandelt den natürliche prauch in den vnnatürliche.

¶ Auch die

249.  
Auch die man habē vlassen den natürliche prauch des weißs  
re. Vñ den lon irthumb durch sich selbs empfangē. Also  
gehet es auch disem keßweib/ die weil sie jres Leuten getrew  
herz erkent/vñ im doch nicht glaubē hat gehaltē/lest ers nun  
auch faren vnd widersteet den Belial kindn/So ist es auch zu  
vnsern zeitten mit der verführung zugegangen/darumb (sprüche  
Paul.) das sie die lieb der warheyt nicht haben auffgenommen  
dz sie selig wurden. Darüb wirt in got senden kreßfüge irthüb  
das sie glauben der lügen. 2. Tessa. 2. Darzu sein die Belial kin  
der so durstig vnd frech/ das sie nicht allein/dz keßweib/son  
der auch dē Leutē (es ist grausam vñ erschöcklich) zu schen  
den Begeren/vnd er muß schweigen/vnd verporgen bleiben.  
Also ist es auch inn disen farlichen zeitten zugegangen/da sie der  
schwachen gewissen durch menschē gesetz mechtig sein wor  
den. Wenn das lauter vñ rein wort gottes in widerstanden  
wer/hettē sie es auch gefelcht/vertilgt/vñ zur huren gemacht  
zuuor dieweil so wenig gutter bücher/vnd noch viel weniger  
recht Christlich geleerter leut warn/ee den der truck zu letzt ers  
funden wurt. Denn zur selben zeit wer es inen ganz leichtlich  
zuthun gewest/wie sie den dasselb zu letzt auch furnamē/dem  
gemeinen man die teutschen Bibel vbotten/vnd öffentlich lief  
sen hören/sie wolten das all vprunnen werden. Des gleichen/  
öffentlich an Keyserliche Maie: die Hebreischen bücher/auch  
zuuerbrennen begerten. Damit die rechtgeleerten/des lautern  
grunds vñ vspriungs auch beraubt würden/Vnd so dasselb  
wer geschehen/wer furwar die heylig geschriffte schon zur hū  
ren gemacht vñ geschmecht gewest. Denn die alt verdolmetz  
schung auß Hebreischer sprach ist nicht an allen orten lauter  
vñ rein. Wie wir teglich ye lenger ye mehr erfahren/Hat auch  
durch das vnfließyg abschreiben/in souliaren nicht wenig  
nachteil empfangen. Welchs der Papst selbs bekent. Darüb  
auch verordnet/dz man im zweifel zu den Kriechischen vnd  
Hebreische büchern lauffen sol/ Es hilfft si auch nicht/dz sie  
sagen man hab nicht die Bibel/sond ander Hebreische bücher  
wollen vpremen. Den die es furnamen/nicht so gelet waren/  
Das sie

650.  
Dz sie ein Hebreische Bibel hetten mögen kennē/wil schweigē/  
Dz sie solten vteyln welche bucher böß od gut weren/dazu so  
die andn bucher verprient weren/hettē wir die sprach nicht mer  
konnen lernen. Vñ were also die Hebreisch Bibel auch nichts  
mer nutz geweest. Vmb solche grosser vnterschied wegen/hat  
got sein wort verporgen/vñ in dasselbig zuschenden/nicht vrsach  
wollen geben. Auff das ye fest bestünde/dz er gesprochen  
hat. Es wirt kein buchstab vom gesetz vfallen/bis alles erfüllt  
wirt. Himel vñ erden werden zergeen/ Aber mein wort werdē  
nicht zergeen. Wenn nun dises keßweib irem man wer ange-  
hangen/das ist/das heilig lauter lebendig Gottes wort alleyn  
in irem gewissen het lassen regiren/wer sie on zweyffel/entlich  
dauon schwanger vñ fruchtbar vñ also auß einem keßweib  
eyn Kliche vñ herliche Königin worden. Denn Christus das  
wort des vatters ist der seel gemahel. Johā. iij. Vñ ist der sa-  
men darvon sie schwanger wirt. Matth. 13. vnd Esa. 26. Er  
ist auch die frucht die in jr geporē wirt. Gal. 4. Apoc. 12. Sie  
wer auch mit ym ganz ein ding wordē. Den wer dem herin  
anhangt/wirt ein geist mit yhm. 1. Cor. 6. Vnd wer von Got  
dem vatter auch wie Christ⁹ selbs geliebt wordē. Wie er sprich-  
t. Joh. 17. Vatter ich hab in deinen namen eröffnet/auff dz  
dein lieb darmit du mich geliebt hast sey in ym/ vnd ich auch  
in ym. Nun sie aber die Belial kinder mit gewalt von Gottes  
wort/dem rechten gemahel abgerissen haben/muß sie mit ym  
huren/ vnd fremde/das ist menschen leer in die schlaff kamer  
irs gewissen einlassen. Welches vor got ein grausam vñ straff-  
lich Lebruch ist/Vñ da treibē den die verfürischen Belial kin-  
der iren mutwillē mit ir die ganzen nacht/so lang die götlich  
warheit vporgen ist/vñ beladen sie/mit extel lauter menschen  
gedicht vñ vnterschied der secten speiß/tranck/schuch/gurtel/  
kleider/farben/kuttē/platten/reuchen/schweigen/neigen/Abblas-  
lichelein/wallen/geloben/stiffen/malen/schnitzen/vñ wer kan  
den mutwillen yrer geistlichen hurerey allen erzelen? Da muß  
das arm gewissen herhalten vñ einem yeglichen gerecht sein/  
was er erdicht hat/sey dem Ban vñ einer todsund an nemen

B ij dasselbig

dasselb halten/vñ darmit huren. Vñ empfind doch kein trost  
 freud oder lust/sonder wirt nur schwach vnd krasslos/ den  
 was möcht ein sundig gewissen durch solche gotlose thorheit  
 getröst/befridet vnd gesterckt werden? Gottes wort vñ gnad  
 muß es allein thun? es ist sonst alles vloren vñ komen nimer  
 zu friden/sond tichten ye lenger ye mer/eins über das ander/  
 noch wirt dennoch ir gewissen nicht frey/sonder beleybt als  
 weg erschrocken vñ vnsicher/zuletzt die weil sie durch solche  
 ire gauckelwerck/nicht können zu fride komen/fahen sie an/vñ  
 wollen andere leut gerechtigkeit teilhafftig werden vñ erkau-  
 fen/da muß den dz zeitlich gut auch her haltē/da kauft man  
 Abblas/bild/gemel/messgewand/vñ macht bruderschaft/stift  
 jartag/vñ huret also für vnd für mit überschwencklich gros-  
 sen kosten/wie der herz Ezech. 16. ernstlich klaget vñ spüchet/  
 Alle hurn empfahe lon. Aber du hast alle dein bulern lon ge-  
 ben/vnd schenckung gethon/das sie zu dir eingiengen/vñ mit  
 dir hureten/vñ hast gethon wid ander weyber gewonheyt/an  
 deiner hurerey vnd nach dir wirt kein hurerei mer sein. Wo es  
 den also zu geet/da felt der glaub erstlich/darnach die lieb vñ  
 alle recht gute Christliche werck/bleiben vnter wegen Da die-  
 net man weder vater noch muter/weder schwestern noch br-  
 dern/auch keinem andern armen Christen/sonder wartet nur  
 des eigen nutz/haben ein hand zum einnemen/die andern zum  
 behalten/aber keine zum außgeben/samlen grosse schez/kau-  
 fen den Fürsten land vñ leut ab vnd lassen in die Tittel/oder  
 kausen ein Cardinal zu Rom/der in den viel freiheit vnd ab-  
 las geb/damit man durch betrug/ein anders sameln mög/vñ  
 wirt darneben/der arm an leib vnd seel vergessen/so wil man  
 den wenen/das lebßweiß schlaff im beschaulichen leben/dye  
 weil es kein bruderlich werck thut/Aber in d warheit/schlefft  
 es nicht/sond ist gestorben von der menig der grosen hurerey  
 den der gerecht lebt seyns glaubens/ Wie können sie aber glaub  
 bē/die weil sie gottes wort verlassen/vnd eyttel menschen ge-  
 schwetz angenommen haben? So nun Christus der recht Pries-  
 ster vnd Levit sein lebßweiß tod findt/hawet er sie zu stücken  
 vnd schickt

652

vnd schickts in alle land/das man solches vbel straff vñ auß  
eilgt/das geschicht/wen dises gottlosen wesens/eyn stück da/  
das ander dort durch gottes wort offenbar wirt/den es kans  
niemant auff ein mal gar sehen/es ist sein zuvil/vnd zu ersch  
röckenlich. Ist aber nicht war? hat man nicht vor viel jaren  
hin vnd wider stücks weiß gesehen/das münch vnd pfaffen  
zuvil mit iren eygen funden/wid gottes wort sich vnderstanz  
den haben? hat man sie nicht zu offtermal ersucht sie sollen  
die herfur geben/die das keßweiß mit hurerey getödet/das ist  
die gewissen mit menschen satzungen verstrickt/versurt vnd  
erwurgt haben. Auf das man sie auch töde/dz ist solche men  
schen satzung mit yren erfindern/auf dem Bauch vñ gedecht  
nus vtilge/vnd das wort gottes an stat des selben wider auff  
richte? Es habens aber die würdigen/geistlichen vnd heiligen  
väter von Gibeā nicht wollen thun/sond zur wer gegreiffen  
vnd die selbigen alten preuch sambt yren erfindern/vertechten  
vnd vtheidigen wollen/Vnd haben an sich gehenckt al ir nach  
Barn/Sürsten Bischoff vnd hohe schulen/die schliessen sich  
zu in hinein in die Stat Gibeā. Das ist/haltenn sich auch zu  
diser fleischlichen falsch gleisenden gerechtigkeit/Vnd wollēs  
helffen erreiten. Das sein die streitparn helden zu Gibeā/nem  
lich/der gwaltigsteil der welt/dazu habē sie noch zween ver  
teil/Der erst/Sie haben sibenhundert außewelter helden/dye  
das schwert des geists das wort gottes/in der lincken hand/  
das ist in einem falschen verstand furen/vnd können mit der  
schleuder ein har treffen. Das ist alles was sie nur wollē/kon  
nen sie mit irer lincken hand widerfechten odder verteydigen/  
Vñ ist nichts so klar geredt/sie können ein glöflein finden/vñ  
ein nafen dreem/vnd also mit der schleuder verwerffen. Der an  
der weiteil ist/dz sie in der Stat verschlossen sein/wen sie wol  
len/so fallen sie herauß/vnd fechten/wen sie nicht wollen/bley  
ben sie darit verporren vñ verschlossen/Das ist wen wir mit  
gottes wort wyder sie zu fechten anfahen/bedunckt sie/sie kön  
nen vns mit rechter oder lincker hand/dz ist mit grund/oder  
mit lügen überwinden/so fallen sie herauß vñ fechten mit vns  
C bedunckt

6  
723  
Bedunckt sie aber es sey umb sonst/so bleiben sie in ihrer Stat/  
das ist/sie lassen vns recht/vñ sagen/Wir haltens auch also/  
vñ haben nie anderst gelert vñ gethan/wen es gleich die öffen  
lich vnwarheit ist/trösten sich/das yr Gibeā vñ Closter leben  
verdeckt vnd vporgen/das ist/gantz verschlossen ist. Den sie  
verpieten bey dem Ban/das man die heimlicheit des Ordens  
keynē Leyen eröffnen sol. Dargegen hat sich das gantz Israel  
das ist/alle glaubige/auch zum streit geschickt/haben aber zu  
uor den mund Gottes/das ist sein heiligs wort/gefragt/ob sie  
fechten/vnd solchen betrug antasten sollen/das ist/ob jr sach  
gerecht sey/oder nicht. Vñ haben funden/das sie sollen fecht  
ten/Aber die überwindung ward in nicht vgewist/den man  
sol übel nicht gut lassen sein/es gee gleich darob wie Got wol  
le. Vñ ist also Juses Gibeā/mit einem grossen Sturm/erstlich  
durch Jhannsen Hussen/vnd ander mer zur selben zeit ange  
griffen. Den vor im hat solch falsch gleissend leben niemande  
öffenlich angriffen vñ widersochten/sonder iederman durch  
betrug fur heilig gehalten. Aber sie fielen herauß/vnd fachten  
zu Costniz im Concilio/mit irem lincken schwert/das ist/mit  
der schrift/aber felschlich gedeutet vnd außgelegt/wie das zu  
seiner zeit/kürzlich wirt jederman offenbar werden/vñ schlus  
gen in/vnd behielten also den sieg. Es nimpt mich aber nit  
wunder. Den ich vorzeiten in fecht Schulen auch wol gesehen  
vñ erfahren hab/wie ferlich es ist/Wen ein rechter mit einē lin  
ken muß fechten/den der streich gehet her an dem ort da man  
nicht meinet/darzu vberlengt er in/so geets auch mit der sch  
riffte zu/der recht verstand der heiligē schrift ist einfeltig. Aber  
die falsch außlegung wol tausenfeltig/den rechten verstande  
kan man wol vorbetrachten/aber den falschen nicht. Darum  
wirt er vnuersehens von den widersachern herein gefurt/vnd  
so man denn nicht vorhin drauff bedacht ist/kan man nicht  
bald antwortē. Darzu habē sie auch die leng des alten prau  
chs/damit haben sie den gewinnē/es wert aber nicht lang. Al  
so sein im ersten sturm viel von Israel erwürgt/das ist/von  
dem lebendigē wort gottes abgefallen/vñ der von Gibeā hū  
rerey ans

1237  
rerey angehangē. Was solt nun Israel anders thun/den wein  
nen vñ klagen/Vñ des herin wort aber fragen/ob sie streyten  
soltē/das ist/ob doch ye jr sach gerecht sey/od ob sie es niche  
recht verstanden hetten. Aber da ist guter bescheid in heyliger  
schriffte sie sollē fechten/doch verheist er in den sig aber nicht.  
Also haben sie den andern sturm im Concilio zu Basel/mit er  
schrockem hertzen gethan/Da man nichts anders/den dz got  
tes wort vnd ordnung/fur menschen sagung erhebt vnd ges  
halten möchten werdē/gefochten hat/sein aber auch nider ges  
legen. Vnd von der selben zeit an / sein die heiligen vāter von  
Gibea fast hochmütig / Aber Gottes volck gantz traurig ges  
west haben geweint/gefasset/vnd gottes mund vñ wort aber  
gefragt/ob sie doch weiter fechten/oder aber stil steen solten.  
Vnd ist da der entlich bescheid gefallen man sol fechten. Got  
wol sie in vnser hend geben. Den es zeigt nicht allein die heilig  
schriffte an/dz jr wesen vngötlich sey. Der halben on vnterlass  
wider sie zusechten ist/sonder wir findē lauter vnd klar dz die  
zeit von Daniel bestimbt ein end hat vnd das wesen fallen vñ  
brechen muß. Darüb wollen wir ytz 3 zween hauffen machē.  
Der ein sol mit heiliger lauter götlicher schriffte in freyem felt/  
wider euch/ewer menschen leer/vnd alte preuch ritterlich fech  
ten. Der ander/sol verporgen in der hinterhut ligen. Vnd wen  
jr herauß fallet/vñ wölt aber mit der lincken hand/das ist/mit  
falschen vstand der schriffte/wie jr vor gethan habt mit vns  
fechten. sollen sie ewer Stat Gibea mit feur anzünden/das ist  
ewer falsch gleissende gerechtikeit/vnd vdeckte büberey offent  
lich an tag geben/vnd durch Gottes wort anzeygen/das die  
selb ewer falsch gerechtikeit vor Got nichts/den ein greul/vñ  
vor seinem feurigen eyfer nicht bestendig/sond wie Sodoma  
vnd Gomorra vprennens wol würdig sey. Vñ wen jr hinder  
sich sehet/vnd den rauch erkennet/sol euch ewer hertz empfal  
len/vnd ewer lincke handt schwach werden / Wenn so man  
ewer vngötlich leben wirt erfaren / wirdt man euch über dye  
schriffte auch nymmer trawen/sonder fleysig nach suchen/  
vnd den falsch / darmit yhr bisher vberwunden habt.

Cij find. als

154  
habt/ finden/ als den wird ewer lincke hand keyn schaden mer  
thun könnē. Zu diser hinterhut wollen wir außlesen alle dye  
so ein zeit bey euch in ewer hurischen verführung gewest/ die sel  
ben wol erlernen/ aber durch Gottes wort wider erleuchtet vñ  
heraus gefurt sein. Vnd so sie ewer Stat angezündet/ vnd als  
les was darin ist/ mit dem schwert erwürget/ das ist/ al ewer le  
ben vnd thun/ als sträflich angezeigt/ eröffnet/ vñ mit der  
schriffte vberwunden haben/ Sollen sie den mit dem schwert  
götelichs worts/ hinden in euch fallen/ vnd vns ewer mensche  
leer/ satzung/ vnd trewm/ vollend helffen stürzen vnd aufstül  
gen. Vornen wollen wir fechten/ ewer leer sey wydder Gottes  
wort/ hynden aber/ wen sie gleich Götlich were/ wie yrs doch  
nie gehalten/ sonder die leut mit gleissen vnd lügen nur betrod  
gen habt. Wollen euch also umbgeben/ zuschlagen/ vñ zerknit  
schen/ das keiner auß diesem streit sol überbleiben/ das ist etwas  
gelten/ fur Got/ oder den menschen/ er fliehe den/ das ist er bes  
ten den/ dz er geyret hab/ vñ verperg sich in den fels Rimon/  
das ist/ er ergebe sich den ganz in Christum vnd sein heyligs  
wort/ d allein der fels ist/ darauff wir gepawet sollen werden/  
vnd nicht Dominic<sup>9</sup> noch Francisc<sup>9</sup>. Seyst auch billich der  
fels Rimon/ das ist/ der hohe fels. Den so dise ewer hurerey eyn  
end nimpt/ also das hernach kein hurerey mer sein wirdt/ wye  
oben angezeigt ist/ so wirt got der herr in selben tagen allein er  
höhet werden/ Esa. 2. Wir wollen aber denselbigen flüchtigen  
eben nach sehen/ vnd gar nichts trawen. sonder/ wen sie von  
dem fels wolten abweichen/ vnd wid in die alten yrthüb treta  
ten/ sol das schwert als bald wider auff irem hals sein/ vnd sy  
als die feind wider angreifen. Sie müssen auch ein gute zeyt  
in diesem fels bleiben/ bis sie wol im glauben erstarken/ ee den  
wir sie zu freunden wider anemen/ Den es ist eynem Mönch  
nit gut zu trawen/ ehr lest sein dück als vngern/ als eyn alter  
wolff. Also wirts ein end nemen mit den/ die menschen leer vñ  
fechten. Das hab ich in wollen anzeigen/ Sie müssen wissen/  
vnd sollen im doch nicht entrinnen. Darüb bit ich alle frome  
Christliche hertzen/ die in Clostern sein/ od kinder darin haben  
(Den ich)

655

(Den ich zweifel nicht jr seyen viel/den noch zühelffen ist) sie wollen herauß geen/od jnen herauß helffen/auff das sie nicht mit dem grossen Gotlosen hauffen verderben vnd zuschanden werden/Den es gehet daher / der streyt fahet sich an/wye man das zum teil auch täglich sihet. Das den der Wolgeborenen Edel Herz Johannis/Herr zu Schwarzenberg/wol er messen/vnd derhalben sein Tochter auß solcher verführung/sambt etlich andern/wider erledigt/vñ desselben/Christenliche genugsame vrsach dem Bischoff zu Bamberg in ein sendt Brief angezeigt hat/welchen ich hiemit im truck laß aufgehen den frommen zu einem Exempel/dem sie nachuolgen/den lestern aber zuuerstopffen ire meuler/das sie es nicht ands den Christenlich gehandelt außlegen/vnd verglimpffen mögen. Der Frid Gottes sey mit euch allen. A N N O 1617.

## Wochwürdiger Fürst vñ Herz

Ewer Fürstlich gnaden sein zuuor meyn vnterthenig willig dienst. Gnediger Herz/Nach dem vor zweintzig jaren/meiner jüngsten Tochter eyne/die der zeit zwischen dreytzehen vñ vierzehen jaren ihres alters gewesen/on das ich sie darauff gezeigt/vñ noch viel woeniger darzu bedrangt/in ein jungfraw closter begert/on zweifel keins andern willens/den das sie vermeint. Got dem Allmechtigen darinnen gefelliger/weder ihm Welichen stand (der jr sonst forstund) zudienen/vñ derhalb das jungfraw closter bey Ewer Fürstlichen gnaden Stat Bamberg (zum Heiligen Grab genant) erwele. Vnd dieweyl den der zeit der recht lautter ware grund Götlichs worts/so lange zeit verdrückt gewesen/das ich den daneben eingefürten/gleyssetten/Phariseischen schein/closterlichs leben (wie sonst damals viel leut) für Götlich gehalten/vñ mit anderst gewist. Wo ich sie daran verhinderet/das ich damit wydder Got/vnd der seelen heyl thette. Hab ich jr darzu geholfen vñ sie mich bey vierhundert gülden/in solch closter zupringen gestanden/Wie dan gar selten eine on ein vergewist gelt in dies Cij sem vñ

156  
sein vnd andern dergleichen Closter angendmen wirt) Es hat  
sich auch die selbig mein Tochter in gemeltem closter dermas-  
sen gehalten/dz sie volgendes Priorin erwelt wordē/wie ewern  
Fürstlichen gnadē vnuerporgen ist. Aber vber etlich iar dar-  
nach / dieweil ich noch zu Bamberg Hoffmeister was / hab  
ich der prediger munch halben (vnter der gehorsam dise arme  
Closter junckfraw seyn müssen) etliche vngötliche ding erfa-  
ren. vnd erfunden die ich yrzo im besten zu melden/vnterlasse  
des dan. L. S. G. negster vorfarn Bischoff Georg/seliger vn-  
löblicher gedechtnus/als ein fromer Christenlicher Fürst/mitt  
wenig missfallens gehabt/vnd derhalb schriftlich vnd mün-  
lich/mit den munchen gehandelt/d gleichen ich auch gethon  
Aber bey inen verächtlich vn vnfürttreglich gewest/wie zum  
teil/etlich der alten geheymen Kethe/so noch bey L. S. gnaden  
sind/auch etlich erbar Burger in der stat/wissen mögen/Dar-  
umb ich seid der zeit stetliche anfechtung gehabt/das mein vn-  
ander vnschuldige Töchter / vnter solchen der munchen vns-  
götlichem Tirānischem gewalt sein sollen vnd doch in zwey-  
fel gestanden/wie solchs in besserung wenden könte/Bis yrzo  
Got der herr/das liecht seins gotliche worts/vns armen Chri-  
sten menschen/so gnediglich helle vnd klare/widerüb herfur  
scheinen lest/vnd mir die selbig mein Tochter geklagt/das yr  
vnd iren Conuent schwestern/durch die gedachten münch dz  
rein lauter/ewig/vn vnüberwintlich/wort gots/dadurch wyr  
allein selig werden mögen/zu lesen vnd zu hörn versperret/vn-  
anderst nit/den allein mit iren ein gemischten verkerten vn-  
fürlichen menschen gesezen/zuhörn/vnd lesen zugelassen/vn-  
das sie in etlichen Euāgelischen Buchern ( die ich yr in solche  
hellische gefengtn/umb behaltung willen irer seelen/geschickt)  
soul offentlichs grunds erfunden/das nit allein sie/zu vieler-  
ley in götlicher schrifft vworffen vn zum teil götlichen offen-  
liche gepoten/widerwertigen mensche gesezen ( als solte die  
zur seligkeit not sein )von den münchē bedrängt worden sey-  
sond dz sie/als Priorin/andire Cōuent schwestern/auch darzu  
hab haltē vn nöten/vn also durch der münch Tirāney offen-  
lich wir er

657

lich wider got/vnd sein ewigs seligmachendes wort/ (dartzu  
oder danon nichts gethon werden sol) teglich vnd stetlich zu  
verdammung yrer seelen/handeln müssen/Vñ wiewol sie auß  
dem / das sie gewist das sie solchen Closterlichen stande / on  
mein verursachung/angenomē/ bey mir umb erledigung dess  
selben / nit begern dorffen / So ich aber souil grundes erfarn/  
vnd gewist/das die selbig mein Tochter/durch die Mönch/  
vnd yhre regel/dahin benötigt vnd betrangt/das sie nit Got  
vnserm schöpffer vnd erlöser / sonder dem Baal hat dienen  
müssen/vnd da bey bedacht/wess ich nit allein auß natürlichz  
er vetterlicher / sonder viel meher Christenlicher lieb/vor Got  
schuldig/vnd verpflichtet bin/Auch souiel wissens gehabt/wo  
ich gleich solchs. E. S. gnaden (als yrem ordenlichem Bisch  
off) claget das die münch in disen fellen/umb E. S. gnad/als  
wenig/als umb Euer gnaden vorfarn (bey dem ich dergleich  
en wol geschehen) geben wurden. Bin ich verursacht vnd be  
wege worden/vnangesehen das ich wol achten kan/wie etlich  
auß Gotlosigkeit (die ich nit hoch wege) Aber da bey auch ans  
dere auß dem/das sie noch durch das öffentlich wort gottes  
nit erleucht/mir vñd meiner Tochter/solch zum ergsten auß  
legen werden. Vnd das es mir/in mer den einen weg/viel zeyt  
lichs Schadens/geperen mag/ir selbs souil anzeygt. Wo sie all  
ein vmb Göttlichs lobs/vnd irer seeln seligkeit willen/von dy  
sem tyrannischem stand/der münch/erledigung begere/ Wolt  
ich ir als v vatter/darzu helfen/dz sie nach vilerley sorgtiger  
Bewegüg (die vñ einē weibs bild seltsam zuhörē) beschlisslich  
der massen angenommen. Das sie Gott mer/weder die mensch  
en/vnd alle zeitliche anfechtung/die sie der halb zugewartten  
nit vergessen/gehorsam sein wolle. Darauff ich sie im namen  
des Almechtigen Gots/durch eine yhre leiblichen Schwester/  
mit etlichen andern/die ich zuuerordnet/auß angezeygter Tiran  
nischen teuflischen Mönchischen gefencknis hab holen vñ  
füren lassenn. Byß ich sie nach dem willen Gots/weytter ver  
sorgen möge. Vñd nach dem dann/das gemelt Closter. E.  
Fürstlich Gnaden .re. verwand ist/zeyg ich das/den selben  
erom gnaden/gantz vnthertheniger meinung an. Damit

158

Damit ewr gnad nit gedechten, das es anderer gestalt, vñ arger meinung bescheen were. Der hoffnüg. E. S. gnad, als eyn Christenlicher furst vnd Bischoff, werden des meinent halbe keyn vngesfallen, oder vngnad empfaben. Das wil ich umb: E. S. gnad vntertheniglich verdienen.

Datum Sambstag nach Martini. Anno. M. D. XX iij.

Johannes her zu  
Schwarzenberg.

Dem Hochwürdigem Fursten vñ  
herm/herm Weyganden Bischoff  
offen zu Bamberg, meinem  
gnedigen Herrn.

*[Faint, mostly illegible text, likely bleed-through from the reverse side of the page.]*








Fi 3320

(x2272728)


702





Le





B.I.G.

Farbkarte #13

Blue Cyan Green Yellow Red Magenta White 3/Color Black



64

er Sendthrieff  
nen und Ealen  
schwarzenberg / An Bischoff  
Darinn er treffenliche vnd  
zeygt/woye vnd warumb  
dem Closter daselbst  
Grab genant Ihn  
In wider vnter  
lichen schutz  
erhandt  
kommen hab.

ciñ die Munch  
tfftigen un  
vnd erstlich ges  
werden.

Oslander.

berg.

D. XX iij.

in uny m d. vaf 4.

